



醫書六書

蘭臺軌範

十二

中武9
170
12止



門式9
冊 170
卷 12止



卷八湯方目

桂枝茯苓圓

當歸芍藥散

乾薑人參半夏丸

葵子茯苓散

當歸貝母苦參丸

當歸散

白朮散

枳實芍藥散

下瘀血湯

竹

葉湯

竹皮大丸

白頭翁加甘草阿膠湯

半夏厚朴湯

甘麥大棗湯

溫經湯

土瓜

根散

旋復花湯

大黃甘遂湯

礬石丸

紅藍花酒

蛇床子散

狼牙湯

三物黃

芩湯

當歸建中湯

佛手散

回生丹

青龍丸 羌活湯方 卷八



足立藏書

圖書

開骨散 奪命散 下死胎方 交加散

護胎方 海蛤散 小柴胡加地黃湯 烏雞

煎圓 豬蹄湯 紫石英丸 催生丹 小

調經散 二味參薤飲 緊散 秦桂丸

求嗣方 黃龍湯以上婦人 瀉青丸 導赤散 生

犀散 瀉黃散 五味異功散 益黃散

瀉白散 阿膠散 地黃丸 四君子湯

四物湯 八珍湯 十全大補湯 六君子湯

補中益氣湯 香砂助胃膏 肥兒丸

九味蘆薈丸 木香丸 胡黃連丸 如聖丸

蘭香散 白粉散 蟾蜍丸 蕪荑散

安虫散 白玉散 柳華散 仙方活命飲

消積丸 保和丸 四神丸 五苓散

白虎湯 地黃清肺飲 參薤飲 小柴胡

湯 加味道遙散 龍胆瀉肝湯 茵陳湯

黃連香薷飲 金匱加減腎氣丸 五色丸

斷癩丹 福銀丸 利驚丸 小續命湯

鈎藤鈎飲 大青膏 百祥丸 牛李膏

雄黃散 歸脾湯 越鞠丸 安神丸

花火膏 蟬蛻鈎藤散 羚羊角丸 止汗散

當歸六黃湯 團參湯 參附湯 人參

養榮湯 浴體法 神效當歸膏 保命散

治疔積方 治赤瘡方 治痘出眼中方

治癩方 治骨蒸方 治遺尿方 治牙疳方

治吐乳方 治螳螂子方 損

蘭臺軌範卷八

吳江徐靈胎洄溪著

孫男祖培聰彙校

婦人

素問

六元正紀大論黃帝問曰婦人身重毒之何如岐伯曰有故無殞亦無殞也帝曰願聞其故岐伯曰大積大聚其可犯也衰其大半而止過者死腹中論帝曰何以知懷子之且生也岐伯曰身有病而無邪脉也奇病論黃帝問曰人有重身九月而瘖此何為也岐伯曰胞之絡脉絕也

帝曰何以言之岐伯曰胞絡者繫於腎少陰之脉貫腎繫
舌本故不能言帝曰治之奈何岐伯曰無治也當十月復
平人氣象論婦人手少陰脉動甚者妊子也

難經

妊之爲病其內苦結女子爲瘕聚 左者爲腎右者爲命
門命門者諸精神之所舍原氣之所繫也男子以藏精女
子以繫胞

金匱

問曰新產婦人有三病一者病瘧二者病鬱冒三者大便

難何謂也曰新產血虛多汗出喜中風故令病瘧亡血復
汗寒多故多鬱冒亡津液胃燥故大便難產婦鬱冒其脉
微弱嘔不能食大便反堅但頭汗出所以然者血虛而厥
厥而必冒胃家欲解必大汗出以血虛下厥孤陽上出故
頭汗出所以產婦喜汗出者亡陰血虛陽氣獨盛故當汗
出陰陽乃復大便堅嘔不能食小柴胡湯主之雖當汗出
不宜太過
師曰產婦腹痛法當以枳實芍藥散假令不愈者此爲腹
中有瘀血着臍下宜下瘀血湯主之亦主經水不利
產後七八日無太陽証少腹堅痛此惡露不盡不大便煩

燥發熱切脉微實再倍發熱日晡時煩燥者不食食則譫語至夜即愈宜大承氣湯主之熱在裏結在膀胱也

婦人傷寒發熱經水適來晝日明了暮則譫語如見鬼狀者此為熱入血室治之無犯胃氣及上二焦必自愈

婦人中風發熱惡寒經水適來得七八日熱除脉遲身凉和胸脇滿如結胸狀譫語者此為熱入血室也當刺期門

隨其實而取之

期門二穴在乳頭直下四寸第一二肋端此等刺法最易學也

婦人之病因虛積冷結氣為諸經水斷絕至有歷年血寒積結胞門寒傷經絡凝堅在上嘔吐涎唾久成肺癰形體

損分在中盤結繞臍寒疝或兩脇疼痛與臟相連或結熱

中痛在關元脉數無瘡肌若魚鱗時著男子非止女身在

下未多經候不勻令陰掣痛少腹惡寒或引腰脊下根氣

衝氣衝急痛膝腫疼煩奄忽眩冒狀如厥亦或有憂慘悲

傷多嗔此皆帶下非有鬼神久則羸瘦脉虛多寒三十六

病千變萬端審脉陰陽虛實緊弦行其針藥治危得安其

雖同病脉各異源子當辨記勿謂不然

問曰婦人年五十所病下痢數十日不止暮即發熱小腹

裏急腹滿手掌煩熱唇口乾燥何也師曰此病屬帶下何

以故曾經半產瘀血在少腹不去何以知之其言各口乾燥故知之當以温經湯主之

婦人陷經漏下黑不解膠薑湯主之方無考校本云宜是膠艾湯

婦人懷娠六七月脉弦發熱其胎愈脹腹痛惡寒者少腹

如扇形容惡寒之盛所以然者子臟開故也當附子湯温之方無考

婦人傷胎懷身腹滿不得小便從腰以下重如有水氣狀

懷身七月太陰當養不養此心氣實當刺瀉勞宮關元小

便微利則愈

病源

妊娠數墮胎候 血氣虛損子臟爲風冷所居則血氣不

足故不能養胎所以致胎數墮候妊娠而恒腰痛者喜墮

胎也按墮胎皆由于血熱

兩胎一死一生候 陽施陰化精盛有餘者則成兩胎其

兩胎而一死者候其胎上冷是胎已死也

妊娠過年不產 由挾寒冷宿血在胞而有胎則冷血相

搏令胎不長產不以時若其胎在胞日月雖多其胎翳小

轉動勞羸是挾於病必過時乃產

胞轉 臍下急痛小便不通是也其病由不同胞轉及胞

落並致死

帶下三十六疾 諸方說三十六疾者是十二癥九痛七
害五傷三固是也十二癥者是所下之物一如膏二如青
血三如紫汁四如赤皮五如膿痂六如豆汁七如葵根羹
八如凝血九如青血血似水十如米汁十一如月浣十二
經度不應期也九痛者一陰中傷痛二陰中淋痛三小便
卽痛四寒冷痛五月水來腹痛六氣滿並痛七汁出陰中
如虫齧痛八脇下皮痛九腰痛七害者一害食二害氣三
害冷四害勞五害房六害姪七害睡五傷者一窮孔痛二

中寒熱痛三小腹急半痛四臟不仁五子門不正引腎痛
三固者一月水閉塞不通其餘二固文缺不載

與鬼交 臟腑虛神守弱鬼氣得病之也其狀不欲見人
獨言笑悲泣脉來遲伏或如鳥啄

惡阻 心中潰悶頭眩四肢煩疼懈惰不欲執作惡聞食
氣欲噉食鹹酸果食多睡少起乃至三四月以上大劇者
不能自勝舉也此由婦人元本虛羸血氣不足腎氣又弱
兼當風食冷太過心下有痰氣挾之而有姪也

子滿 此由肚胃虛弱有停水而挾以姪娠也水漬於胞

則令胎壞惟將產之月而脚微腫則其產易蓋胞藏水血
多也初妊娠者則反壞胎

胎漏 此由衝任脉虛不能約制太陽少陰之經血也亦
名胞阻漏血盡則人斃也

鬼胎 正虛則妖魅精入臟狀如懷娠

胎疽 其母臟氣熱熏蒸於胎

血分 是經血先斷而後成水病以其月水壅塞不通經
血分而為水故曰血分

胞絡傷損 子臟虛冷氣下衝則陰挺出謂之下脫亦有

因產用力偃氣而陰脫者

陰臭 由子臟有寒寒搏於津液蘊積氣衝于陰故變臭

也 此亦由內
熱所致

子臟開 由子臟宿虛因產冷氣乘之血氣得冷不得相

榮故令開也

婦人方

桂枝茯苓圓 金匱 治婦人宿有癥病經斷未及三月而得

漏下不止胎動在臍上者為癥痼害妊娠六月動者前
三月經水利時胎也下血者後斷三月衄也所以血不

止者其癥不去故也當下其癥此主之

桂枝 丹皮 茯苓 桃仁去皮芍藥各等分

右五味末之煉蜜丸如兔屎大每日食前服一丸不知

加至三丸

當歸芍藥散金匱 治婦人懷娠腹中疝痛

當歸三兩 芍藥一斤 茯苓四兩 白朮四兩 澤瀉半斤 芎

藭三兩 杵為散取方寸匕酒和日三服

乾薑人參半夏丸金匱 治妊娠嘔吐不止

乾薑 人參各一兩 半夏二兩

右三味末之生薑汁糊丸如梧子大飲服十九日三

葵子茯苓散金匱 治妊娠有水氣身重小便不利洒淅惡

寒起即頭眩

葵子一斤 茯苓三兩

右二味杵為散飲服方寸匕日三服小便利則愈

當歸貝母苦參丸金匱 治妊娠小便難飲食如故

當歸 貝母 苦參各等分

右三味末之蜜丸如小豆大飲服三丸加至十丸

當歸散金匱 婦人妊娠宜常服

當歸丸金匱 婦人

當歸

黃芩

芍藥

芎藭

各一斤

白朮

半斤

右五味杵為散酒服方寸七日再服妊娠常服即易產胎無苦疾產後百病悉主之

白朮散

金匱

妊娠養胎

白朮

芎藭

蜀椒

三分牡蠣

右四味杵為散酒服一錢七日三服夜一服但苦痛加芍藥心下毒痛倍加芎藭心煩吐痛不能飲食加細辛一兩半夏大者二十枚服之後更以酸漿水服之若嘔以醋漿水服復不解者小麥汁服之以後渴者大麥粥

服之病雖愈服之勿置

原本無分兩

枳實芍藥散

金匱

治產後腹痛煩滿不得卧

枳實

燒令黑勿太過

芍藥

等分

右二味杵為散服方寸七日三服并主癰膿以麥粥下之假令腹痛不愈此為腹中有瘀血着臍下宜下瘀血湯主之亦主經水不利

下瘀血湯

金匱

大黃

二兩

桃仁

二十枚

蟅虫

二十枚去足熬

末之蜜和為四丸以

酒一升煎一丸取八合頓服之新血下如豚肝以丸作煎又一

法按新字
當作痰字

竹葉湯

金匱

治產後中風發熱面正赤喘而頭痛

竹葉

一把

葛根

三兩

防風

桂枝

桔槩

人

參

甘草

各一兩

附子

一枚

大棗

十五枚

生薑

五兩

右十味水一斗煮取二升半分溫三服溫覆取汗出

頸項強用大附子一枚破之如豆入前藥揚去沫嘔

者加半夏半升洗

皮大丸

金匱

治婦人乳中虛煩亂嘔逆安中益氣

生竹茹

二分

石膏

二分

桂枝

一分

甘草

七分

白薇

一分

右五味末之棗肉丸如彈子大飲服一九日三夜二

有熱倍白薇煩喘者加柏實一分

白頭翁加甘草阿膠湯

金匱

治產後下痢虛極

白頭翁

甘草

阿膠

各二兩

秦皮

三兩

黃連

二兩

藥皮

三兩

右六味水七升煮二升半內膠令消分溫三服

半夏厚朴湯

金匱

治婦人咽中如有炙臠

半夏

一升

厚朴

三兩

茯苓

四兩

生薑

五兩

乾蘘葉

二兩

右五味水七升煮取四升分溫四服日三夜一

甘麥大棗湯 金匱 治婦人臍燥悲傷欲哭象如神靈所作

數欠伸此主之

甘草 三兩 小麥 一升 大棗 十枚

右三味水六升煮取三升分溫三服亦補脾氣

溫經湯 金匱 主婦人曾經半產瘀血在少腹不去其証唇

口乾燥

吳茱萸 二兩 當歸 三兩 芍藥 二兩 芎藭 二兩 人參 二兩

桂枝 二兩 阿膠 二兩 丹皮 二兩 生薑 三兩 甘草 二兩 半

夏 一升 麥冬 一升 去心 水一斗煮取三升分溫三服 亦主

婦人少腹寒久不受胎兼治崩中去血或月水來過多

及至期不來 調經總方

土瓜根散 金匱 治帶下經水不利少腹滿痛經一月再見

土瓜根 芍藥 桂枝 麤虫 各三兩

右三味杵為散酒服方寸七日三服 此治瘀血伏留

旋復花湯 金匱 寸口脉弦而大弦則為減大則為芤減則

為寒芤則為虛寒虛相搏此名曰草婦人則半產漏下

此湯主之

旋復花 三兩 葱 十四莖 新絳 少許 水三升煮取一升頓服

大黃甘遂湯 金匱 治婦人少腹滿如敦狀小便微難而不

渴此為水與血俱結在血室也此主之

大黃 四兩 甘遂 二兩 阿膠 二兩

右三味以水三升煮取一升頓服其血當下

礬石丸 金匱 治經水閉不利臍堅癖不止中有乾血下白

物

礬石 三分 杏仁 一分

右二味末之煉蜜丸棗核大內臍中劇者再內之

藍花酒 金匱 治婦人六十二種風腹中血氣刺痛

紅藍花 一兩 酒 一大 煎減半頓服一半未止再服

蛇床子散 金匱 治婦人陰寒溫陰中坐藥 日合盡

蛇床子一味末之以白粉少許和合相得如棗大綿裹

內之自然溫

狼牙湯 金匱 治婦人陰中生瘡蝕爛者

狼牙三兩水四升煮取半升以綿纏筋如繭絞湯瀝陰

中日四遍

三物黃芩湯 千金 治婦人在草蓐自發露得風四肢苦煩

熱頭痛者與小柴胡湯頭不痛但煩者此湯主之

黃芩 一兩 苦參 二兩 地黃 四兩

右三味水六升煮取二升溫服一升多吐下虫

當歸建中湯 千金 治產後虛羸不足腹中刺痛不止吸吸

少氣或苦少腹中急摩痛引腰背不能食飲產後一月

日得服四五劑為善令人強壯宜

當歸 四兩 桂枝 三兩 芍藥 六兩 生薑 三兩 甘草 二兩 大

棗 十二枚

右六味水一斗煮取三升分溫三服一日令盡 若大

虛者加飴糖六兩湯成內之火上煖令飴消 若去血

過多崩傷內衄不止加地黃六兩阿膠二兩

佛手散 本事方又 調經 名芍歸湯

芎藭 二兩 當歸 三兩

右為細末每服二錢水一盞酒二分煎七分溫服

回生丹 此催生之聖藥

錦紋大黃 一斤 蘇木 三兩 打碎用河水五 大黑豆 三升

取殼用絹袋盛殼同豆煮熟去 紅花 三兩 炒黃色入好 水浸

豆不用將殼曬乾其汁留用 米醋 三斤 文火

熬之以長才筋不住手攪之成膏再加醋三斤熬之又

加醋三斤次第加畢然後下黑豆汁三碗再熬次下藕木汁次下紅花汁熬成大黃膏取入瓦盆盛之大黃鍋

粃亦鏟下入後藥同磨

人參

當歸

芎藭

香附

延胡索

蒼朮

蒲黃

茯苓

桃仁

各一兩去皮尖油

牛膝

五錢

甘草

炙

地榆

酒洗

川羌

活

橘紅

白芍

各五錢

木瓜

青皮

各三錢

乳香

沒藥

各二錢

益母草

浸

烏藥

二兩五錢

良薑

四錢

馬鞭草

五錢

秋葵子

三錢

熟

炒

地

一兩酒浸九次

山稜

五錢

五靈脂

五錢

醋煮化

焙乾細研

蒸晒如法製就

山萸肉

五錢酒浸蒸搗

上三十味并前黑豆殼共晒為末入石

臼內大黃膏拌勻再下熟蜜一斤共搗千杵為丸重二

錢七八分陰乾不可火烘燥蠟為殼護之用時去蠟

開骨散

臨產婦交骨不開

當歸

五錢

龜板

三錢

醋

芎藭

一錢

婦人髮

一團

水煎服

奪命散

產後

沒藥

血竭

等分

右研為細末纔產下用童便細酒半杯煎一二沸調下
二錢良久再服其惡血下行便不衝上免生百疾

下死胎方

本事方

桂木 三錢

麝香當門子 一粒

全研温酒服須臾如手推

下比之用水銀等藥此不致損元氣也

交加散

本事方

治婦人榮衛不通經脉不調腹中撮痛氣多

血少結聚為瘕產後中風

生地黄

五兩研取汁

生薑

五兩研取汁

右交互用汁浸一夕各炒黃漬汁盡為度末之尋常腹

痛酒調下三錢尤不可缺

護胎方

本事方

治妊娠時氣身熱令子不落

伏龍干為末水調塗臍下一二寸乾則易差即止 又取井中泥塗心下乾則易

海蛤散

本事方

治婦人傷寒血結胸膈揉而痛不可撫近

海蛤

滑石

甘草

各一兩

芒硝

半兩

右為末每服二錢雞子清調下

小柴胡加地黃湯

本事方

治婦人室女傷寒發熱或發寒熱

經水適來或適斷晝則明了夜則譫語如見鬼狀亦治產後惡露方來忽爾斷絕

柴胡

一兩一分

人參

黃芩

甘草

生地黄

各半兩

右為末每用五錢水二盞生薑五片棗二枚煎至八分

去渣服 此即熱入血室

烏雞煎圓 局方 治婦人胎前產後諸般疾患並皆治之

烏雄雞 一隻 人參 白朮 石牀 丹皮

黃芪 烏藥 草菓 延胡索 地黃 熟乾者洗

焙木香 琥珀 肉豆蔻 各半兩 陳皮 紅花

川烏 泡 海桐皮 芍藥 白者 附子 泡去皮臍 肉桂 去粗

皮 蓬莪茂 各三兩 蒼朮 米泔浸切焙一兩半

右細剉用烏雄雞一隻湯搯去毛及腸肚將上藥安放

雞腹中用新瓦瓶好酒一斗同煮令乾去雞骨以油單

紙盛焙乾為細末煉蜜丸如梧子大每服三十丸

猪蹄湯 局方 治乳婦氣少血衰脈澁不行絕無乳汁

猪蹄 一隻 木通 五兩

右將猪蹄淨洗依食法事治次用水一斗同木通浸煮得四五升取汁飲如乳不下再服為妙

紫石英丸 局方 治婦人久冷無子及數經墮胎經水不調

崩漏帶下三十六疾積聚癥瘕少腹急重小便白濁

烏賊魚骨 燒灰 甘草 炙 柏子仁 微炒別研 山積 各一兩半 辛夷

仁 肉桂去粗皮 卷柏 石斛 乾熟地黃

芎藭 牡蒙 禹餘糧醋淬七次研各二兩 人參 續斷

細辛 桑寄生 牛膝 厚朴薑汁炙 食茱

萸 當歸炒 川烏泡去皮臍 乾薑泡 丹皮各一分 天

門冬去心 紫石英細研飛各三兩

右為細末煉蜜丸如梧子大每服三十九丸温酒或米飲

下空心食前日二服

催生丹 局方 治產婦產育艱難或逆或橫並宜服之

母丁香末一錢 麝香別研一錢 兔腦臘月者去皮搗如泥 乳香別研極細一分

右拌勻以兔腦和圓如雞豆大陰乾用油紙密封貼温

水服一丸即時產下隨男左女右手中握丸藥出是驗

小調經散 局方 治產後敗血循經流入四肢腐爛如水服

此血行腫消則愈

沒藥 琥珀 桂心 白芍 當歸各一錢 細

辛 麝香各五分 為末薑汁酒各少許調服 此方治血分病最良

二味參蘇丸 治產後瘀血入肺咳嗽喘急

人參一兩 紫蘇二兩是蘇木

作一劑水煎服若既愈當用六君子湯以補脾胃若口

鼻黑氣起急用此藥加附子五錢亦有得生者

紫蘓飲嚴氏治子懸腹痛或臨產驚恐氣結連日不安或

大小便不利

當歸 甘草 大腹皮黑豆浸 人參 芎藭

橘皮各七分 白芍炒五分 紫蘓一錢 薑葱引水煎服

紫散元和紀 止血崩

香附子炒黑存性為末熱酒調方寸七再服立定生未安胎

秦桂丸襍抄治婦人無子

秦艽 桂心 杜仲 防風 厚朴各三錢 附

子生用 茯苓各一兩 白薇 乾薑 沙參 牛

膝 半夏各五錢 人參一兩 細辛一兩

右十四味為末煉蜜丸如菜豆大每服三十丸空心米

飲任下未效再加數丸已覺有孕便不可服

求嗣方襍抄 壬子日合藥別日不用名助陽丹

細辛五錢 牛膝二兩 茯苓一兩 沒藥四錢 吳茱萸

白蘇 白芨 秦艽 乳香 防風 當

歸去蘆各三錢 肉桂 厚朴 石菖蒲 附子各二錢

人參一錢 以上二方治胎寒無子者陰虛血少者非宜

痰氣及產後傷風熱入胞宮寒熱如瘧并經水適斷病後勞復餘熱不解

柴胡 一兩 黃芩 人參 甘草 各一分

右四味每服五錢水一盞半煎一盞去渣溫服

桂枝湯 金匱 婦人得平脈陰脈小弱其人渴不能食無寒

熱名妊娠桂枝湯主之於法六十日當有此證設有醫

治逆者却一月加吐下者則絕之 見傷寒

小柴胡湯 金匱 婦人中風七八日續來寒熱發作有時經

水適斷此為熱入血室其血必結故使如瘧狀 見傷寒

大承氣湯 金匱 產後七八日無太陽症少腹堅痛惡露不

盡不大便煩燥發熱切脈微實再倍發熱日晡時煩燥

者不食食即讖語至夜即愈熱在裏結在膀胱也 見傷寒

小青龍湯 金匱 婦人吐涎沫醫反下之心下即痞當先治

其吐涎沫此主之 見痰飲 涎沫止乃治痞瀉心湯主之 見血

芩歸膠艾湯 金匱 治陷經漏下黑不解 見通治

豬髮膏煎 金匱 胃氣下泄陰吹而正喧此穀氣之實也 見疝

腎氣丸 金匱

治婦人飲食如故煩熱不得卧而反倚息者

此名轉胞不得溺也以胞系了戾故致此病但利小便

則愈 即崔氏八味丸 見通治

當歸生薑羊肉湯 金匱

治產後腹中疴痛并治腹中寒疝

虛勞不足 見通治

按婦人一切外感內傷等症與男子同無庸另立治法惟經帶胎產癥瘕等疾病變多端必從調經種子等法探本索源而後可施用今因金匱要畧有治婦人方論一卷故亦畧載婦人常用之方數十首至其全體仍當取唐宋以來專門之書詳考之

小兒

此卷方論俱從錢氏直訣選出其外有小兒常患之症而方未備者更考他書補入治小兒之法大端畧具其所選之方藥一概全錄不必更將他卷查閱以便業幼科者專取此書誦習可也

脈法

脈弦急 氣不和

脈沉緩 傷食

脈促結 虛驚

脈浮 為風

脈沉細

為寒 脈亂 不治

全幼心鑑云小兒一歲以前看虎口食指寅卯辰三關

以驗其病

寅卯辰即風氣命三關也

脈紋從寅關起不至卯關者易

治若連卯關者難治若寅侵卯卯侵過辰者十不救一

其脈紋見有五色如因驚必青瀉痢必紫當以類而推

之一歲後則可用一指轉側辨其三部脉弦急浮沉四
五歲後脉七八至而細數者爲平九至者傷十至者困
六至五至者爲虛爲寒弦緊爲風痼弦急爲客忤

面部症

左腮爲肝右腮爲肺額上爲心鼻爲脾頰爲腎若色赤者
熱也宜隨症治之

目部症

目內色赤者心實熱淡紅者心虛熱青者肝實熱淡青者
肝虛熱黃者脾實熱淡黃者脾虛熱白而混者肺實熱目

無睛光者腎虛也

五臟虛實寒熱

心主驚實則叫哭發熱飲水而搐虛則臥而悸動不安

視其睡口中氣溫或合面睡及上竄咬牙皆心熱也

氣實則喜伸臥

肝主風實則目直大叫呵欠項急頓悶虛則咬牙多欠

肝熱則手尋衣領及亂捻物壯熱飲水喘悶目赤發揚

肝有風則目連劄得心熱則發搐或筋脉牽繫而直視風

甚則身反張強直不搐心不受熱也當補腎治肝

脾主困實則困睡身熱飲水虛則吐瀉生風面白腹痛口中氣冷不思飲食或吐清水 呵欠多睡者脾氣虛而欲發驚也

肺主喘實則悶亂喘促有飲水者有不飲水者虛則哽氣長出氣 肺熱則手掐眉目鼻面 肺盛復感風寒則胸

滿氣急喘嗽上氣 肺臟怯則唇白悶亂氣粗喘促哽氣者難治肺虛甚也

腎主虛無實也惟瘡疹腎實則變黑陷若胎稟虛怯神氣不足目無睛光面白顛解此皆難育雖育不壽或更加色

欲變症百出愈難救療或目畏明下窳者蓋骨重而身縮也咬牙者腎水虛而不能制心火也

變蒸

小兒在母腹中乃生骨氣五臟六腑成而未全自生之後即長骨脉五臟六腑之神智也變者易也自內而長自下而上又身熱故已生之日後三十二日一變變每畢即情性有異於前何者長生腑臟智意故也何為三十二日長骨添精神人有三百六十五骨除手足中四十五碎骨外有三百二十自生下骨一日十段而上之十日百段二十

二日計三百二十段爲一遍亦曰一蒸骨之餘氣自腦分入齦中作三十二齒而齒牙有不及三十二數者由變不足其常也或二十八日卽至長二十八齒以下倣此但不過三十二之數也凡一周遍乃發虛熱諸病如是十周則小蒸畢也計三百二十日生骨氣乃全而未壯也

急驚風症治

小兒急驚因聞大聲或驚而發搐搐正如故此熱生于心身熱面赤引飲口中氣熱二便黃赤甚則發搐蓋熱甚生風陽盛而陰虛也宜利驚丸除其痰熱不可用巴豆之藥

慢驚風症治

小兒慢驚因病後或吐瀉或藥餌傷損脾胃而肢體逆冷口鼻氣微手足瘳癢昏睡露睛此脾虛生風無陽之症也小兒初生壯熱吐衄身體強直手足抽掣目反直視是胎驚風症也

發搐症治

驚癇發搐男則目左視無聲右視有聲女則右視無聲左視有聲相勝故也

欲驗逆順男則握拳拇指入食指中爲順於外爲逆

女則又入食指為逆於外為順仍參吮乳不能類以治其母後倣此

若傷風發搐口中氣熱呵欠頓悶手足動搖

若傷食發搐身溫多睡或吐不思食

百日內發搐真者不過二三次必死假者頻發不死真者

內生驚癇假者外傷風冷血氣未實不能勝任故發搐

癲癇症治

凡治五癇皆隨臟治之每臟各有一獸之形並用五色丸治之發而重者死病甚者亦死若反折上竄其聲如犬症

屬肝也若目瞪吐舌其聲如羊症屬心也若目直腹痛其聲如牛症屬脾也若驚跳反折手縱其聲如雞症屬肺也若肢體如尸口吐涎沫其聲如猪症屬腎也

附面部三指診候圖



小兒半歲之間有病以名中食二指曲按額前眉上髮際之下若三指俱熱感受風邪鼻塞氣粗三指俱冷感受風寒臟冷吐瀉若食中二指熱上熱下冷名中二指熱夾驚之候食指熱胸膈氣滿乳食不消

附虎口三關脉症圖



水鏡訣云陰陽運合男女成形已分九竅四肢乃生五臟六腑部位各分逆順難明若憑寸口之浮沉必至橫亡於孩子須明虎口辨別三關消詳用藥必無差誤未至三歲看虎口三關若脉見風關尙易治交氣關則難治交命關爲死症又當辨其色如獸驚三關必青水驚三關必赤人驚三關必黑若紫色主瀉痢黃色是雷驚三關脉通度乃極驚之症必死有紋或青或紅如線直者是母食傷脾左右一樣者是驚積齊發紋有三條白主肺傷風痰或齟齬聲青主傷寒及嗽紅主泄瀉有黑

相兼主下痢紅多白痢黑多赤痢有紫相兼虎口脉亂
乃氣不和也蓋脉紋見有五色由其病甚色能加變至
於純黑者不可得而治矣

五臟瘡疹証治

小兒在胎食五臟血穢伏於命門若遇天行時熱或乳食
所傷或驚恐所觸則其毒當出初起之候面燥腮赤目胞
亦赤呵欠頓悶乍涼乍熱咳嗽嚏噴手足稍冷驚悸多睡
宜究其何臟所發察其何因所起令乳母亦須節飲食慎
風寒 五臟各有一症肝臟水疱青色而小肺臟膿疱色

白而大心臟癍色赤而小脾臟疹小次癍故色赤黃淺也
先發膿疱後發疹子者順先疹子後癍者順反此爲逆惟
腎無候但見飀冷耳冷是也若寒水來侮故黑陷而耳飀
反熱爲逆也急用百詳丸半李膏各三服不愈者死 如
發潮熱三日以上出不甚多而熱不止者未盡也潮熱隨
出如早食潮熱不已爲水疱之類也一發便出盡者重瘡
爽疹者半輕半重也出稀者輕裏外微紅者輕外黑裏赤
者微重外白裏黑者大重也瘡端裏黑點如針孔者勢最
劇也青乾紫陷昏睡汗出煩燥熱渴腹脹喘喘二便不通

者困也有大熱利小便解熱毒若紫黑乾陷或寒戰咬牙
或身黃腫紫者急以百詳丸下之復惡寒不已身冷出汗
耳聾反熱者死症也此腎氣大旺脾虛不能制故耳下後
身熱氣溫飲水者可治以脾土勝腎寒去而溫熱也不黑
者不可下下則內虛歸腎大抵瘡疹屬陽在春夏為順秋
冬為逆冬月腎旺盛寒病多歸腎變黑又當辨春膿疱夏
黑陷秋癩子冬疹子者十活四五黑者十難救一 身熱
煩渴腹滿而喘便澀面赤悶亂大吐此當利小便不瘥者
宣風散下之若能食而痲頭焦起或水焦而喘實亦可下

之若五七日痲不焦是內熱也宣風散熯之生犀汁解之
癩疹作瘡為脾虛而肝則乘心火妄動風熱相搏也當
瀉心肝補脾土 瘡黑而忽便膿血并痲皮者乃脾氣實
腎邪退而病安也及瀉而乳食不化者脾虛不能制腎故
難治

此卽近世痘瘡之症其病與癩疹同列並無起脹成漿
收靨等說大抵宋時之瘡形治法不過如此近日愈變
愈重與癩疹絕不相類治亦迥別因知天下之病隨時
隨地變化無窮所以內經有五運六氣異法方宜等論

爲醫者苟不能知天運之轉移及五方之體性終有偏執之處不可以稱上工也

痘瘡無人可免自種痘之法起而小兒方有避險之路此天意好生有神人出焉造良法以救人也然人往往以種痘仍有死者疑而不敢種不知乃苗之不善非法之不善也况卽有死者不過百中之一較之天行惡痘十死八九者其安危相去何如也至於治痘之書自宋至今不下數十種莫不和平切近孰意邇年以來崇奉怪書不論小兒之強弱痘症之虛實概以大黃數兩石

膏數斤爲一劑使兒真火消盡元氣大傷絕其起脹成漿之路因向其父母云此症或不能起脹或不能成漿而死至期果死其父母以爲神目不知此實醫者致之死地也或幸不死則信爲大黃石膏之功而此二味遂爲不祧之藥矣又方中多用蜂房蝎子蟻螬蚯蚓蚌汁等惡物成升成碗灌入兒腹以增其毒而爛其胃宛轉就死尤可痛心夫近日時醫治精壯男婦之病見用瀆火之藥一二錢羣以爲此寒涼之品斷不可服必當用附桂參朮獨於數月之小兒反用大寒大毒之藥成兩

成斤俾死者按暹而不悔何耶醫者不足責為父母而目視其子之服此毒藥以致慘死毫無疑怨則何心也

丹瘤

丹瘤之症因熱毒客於腠理搏於血氣發於皮膚當以白玉散塗之

傷風兼變症治二

傷風兼肝則發搐頓悶兼心則驚不安兼肺則喘嗽哽氣兼脾則困睡兼腎則目畏明各隨補其母

諸經發熱症治三

潮熱者時聞發熱過時即退來日依時而發此欲發驚也壯熱者常熱不已甚則發驚癇也 風熱者身熱而口中氣熱乃風邪外感也 溫熱者肢體微熱也 發熱而不欲飲水者胃氣虛熱也發熱而飲水作渴喜冷飲食者胃氣實熱也

吐瀉症治

若吐乳瀉黃傷熱乳也吐乳瀉青傷冷乳也皆當下之吐瀉昏倦睡不露睛者胃實熱也吐痰涎及綠水者胃虛冷也 初生下吐因穢惡下咽故也凡初生急須拭淨口

中否則啼聲一發穢物咽下致生諸病拭去穢物出痘必稀

五臟內外疔症主治

凡小兒疔在內目腫腹脹瀉痢青白體瘦羸弱疔在外鼻
 下赤爛頻探鼻耳或肢體生瘡鼻瘡用蘭香散諸瘡用白
 粉散 肝疔一名筋疔白膜遮睛或瀉血回瘦 心疔面
 黃頰赤身體壯熱 脾疔一名肥疔體黃瘦削皮膚乾澀
 而有瘡疥腹大嗜土 腎疔一名骨疔肢體瘦削遍生瘡
 疥喜卧濕地 肺疔一名氣肝喘嗽氣促口鼻生瘡 若
 患潮熱當先補肝後瀉心若妄以硝黃諸藥痢之若患癖

當消磨若誤以巴豆礪砂下之及傷寒誤下皆能成疔其
 初病者為熱疔久病者為冷疔冷熱相兼者津液短少者
 皆因大病脾胃虧損內亡津液所致當固脾胃為主早為
 施治則不變敗症也

腹痛腫脹諸症

小兒腹痛體瘦面色眊白目無睛光口中氣冷不思飲食
 或嘔利撮口此脾土虛而寒水所侮也若口中氣溫面色
 黃白目無睛光或多睡惡食或大便酸臭此積病也若腹
 脹而悶亂喘滿者實也若不悶亂喘滿者脾虛也誤下之

以致目泡腮面四肢浮腫肚腹愈脹因下而喘脾氣益虛也脾虛不能勝腎水隨肺氣行於四肢如水狀若侵浮於肺即大喘也

若腎熱傳於膀胱熱甚逆於脾肺脾胃虛而不能制腎水流走四肢而身面皆腫若土勝則刑于肺故令喘也

若口吐涎沫或吐清水面恍白心腹痛有時者虫痛也與癩相似但目不斜手不搖也安虫散主之

若腹中有癖不食但飲乳是也蓋小兒病此良由乳食不消伏于腹中乍冷乍熱飲水過多即蕩滌腸胃亡失津液

脾胃虛弱不能傳化水穀以致四肢羸瘦肚腹漸大而成疔矣

五臟雜症主治

喜汗者厚衣卧而額汗出也盜汗者肌肉虛而睡中汗出也胃虛汗者上至項下至臍也六陽虛汗者上至頭下至項難治

夜啼者小兒筋骨血脉未成而多哭脾臟冷而痛也當與溫中藥或花火膏主之若虛怯為冷所乘則唇青

驚啼者邪氣乘心也當以安神丸主之

若浴後拭臍不乾風入作瘡令兒撮口甚者是脾虛也若頻撮口是氣不和也

弄舌熱者脾臟微熱令舌絡牽緊時時舒熱或飲水者脾胃虛而津液少也兼面黃肌瘦五心煩熱者疳積也大病未已而弄舌者凶

解顛者生下顛門不合也長必多愁少笑目白精多面色恍白或體消瘦皆腎虛也

胎肥者生下豐厚目睛粉紅大便乾難時出涎水

胎熱者生下有血色時叫哭身熱淡黃目睛多赤大便色

黃急欲食乳並用浴體法主之

胎怯者生下面白肌肉瘦弱大便

身無血色哽氣多

噓亦用浴體法

急欲乳不能食者此風邪由臍

熱心脾致舌厚唇燥

不能吮乳也

龜胸龜背者由兒生下風客於脊入於骨髓致龜背若

肺熱脹滿攻於胸膈即成龜胸並用龜尿點其骨節自愈

取尿法用青蓮葉安龜在上用鏡照之其尿自出

失音吐瀉或大便後雖有聲而不能言又能咽物者非失

音此腎怯不能上接於陽也。凡口噤不止則失音語遲。若大病後身目皆黃者黃病也。身病背強大小便澀一身盡黃小便黃赤此黃疸也。瀉者難治。若百日或半年不因病而身黃者胃熱胎疸也。若必黃兼白者胃怯也。長大不行行則脚軟。齒久不生少則不固。髮久不生則不黑皆胎弱。

小兒方

瀉青丸

治肝經實熱急驚搐搦

羌活

王乙同歸一治故用羌活

大黃

瀉諸實熱

芎藭

入手足厥陰辛以緩肝

山梔仁

瀉心火實則瀉其子龍胆草炒益肝胆氣止驚當歸入足厥陰以防風各分

右為末煉蜜丸芡實大每服半丸竹葉湯入砂糖化下

瀉赤散

治小腸實熱小便秘赤

生地黄

心與小腸之藥

木通

利小腸之熱故錢氏用以導赤

甘草

生瀉心火各等分

右為末每服一錢入淡竹葉涼心經水煎

生犀散

治心經虛熱

地骨皮

赤芍藥

柴胡

乾葛

各一兩

甘草

五

錢犀角

二錢鎊主風熱驚癇鎮肝除心熱丹溪云犀角痘後用以散餘毒無毒而血虛者非宜

瀉心丸

小兒

七

右為末每服一二錢水煎

瀉黃散 治脾胃實熱

霍香葉入手足太陰經助脾胃止嘔甘草各七錢五分石膏五錢山梔

仁一兩治胃中熱氣防風三兩

右用蜜酒微炒為末每服一二錢水煎

五味異功散 治脾胃虛弱吐瀉不食

人參 茯苓 白朮 甘草炒 陳皮各等分

右為末每服三錢薑棗水煎

益黃散 治脾土虛寒嘔吐泄瀉

陳皮 青皮下食入太陰之倉丁香各二錢去脾胃中寒訶子肉五錢能開

胃消食 止痢 甘草炙三錢

右為末每服一二錢水煎

瀉白散 治肺經實熱咳嗽痰喘

桑根白皮炒瀉肺氣之有餘有餘者邪有餘也地骨皮各一兩甘草炙五錢

右為末每服一二錢入粳米百粒水煎

阿膠散 治肺虛咳嗽口乾作渴

明阿膠一兩麩炒能補氣不足甘草炙一錢馬兜鈴五錢主肺熱咳嗽清肺補肺

糯米一兩杏仁七粒去皮尖下喘用治氣也鼠粘子二錢五分

高臺軒筆 小兒 卷八 左

右為末每服二錢水煎

地黄丸

治腎虛解顛或行遲語遲等症

熟地黄

八錢酒洗益腎水真陰補血虛

山茱萸肉

補腎添精

乾山藥

涼腎瀉陰中之

火治足少陰無汗之骨蒸

白茯苓

各三錢入王

牡丹皮

各三錢

澤瀉

各三錢

右地黄杵膏餘為末加煉蜜丸如桐子大每服二三十

丸空心白湯送下

四君子湯

治脾氣虛弱飲食不化腸鳴泄瀉或嘔穢

吐逆

人參

白茯苓

白朮

甘草

各五分

水煎服

四物湯

治肝經血虛發熱日晡益甚或煩燥不寐

當歸

熟地黄

各二錢

白芍藥

一錢

芩藎

五分

右作一劑水煎服

八珍湯

治氣血俱虛或因失血過多或因剋伐元氣

以致內熱發熱肢體瘦瘠

即四物四君子二湯合服

十全大補湯

治氣血虛熱或因病後惡寒發熱或自

汗盜汗食少體倦或發熱作渴頭痛眩暈等症

即八珍湯加黃芪肉桂

六君子湯 治脾胃虛弱體瘦面黃或久患瘧痢不思乳食或嘔吐泄瀉飲食不化或時患飲食停滯或母有前症致兒為患

人參 白朮 茯苓各二錢 陳皮 半夏 甘

草各一錢

右每服二三錢薑棗水煎

補中益氣湯 治中氣不足困睡發熱或元氣虛弱感

胃風寒諸症或乳母勞役發熱致兒為患

黃芪炙 人參 白朮炒 甘草炙 當歸 陳

皮各五分 升麻 柴胡各二分

右七味加薑棗水煎

香砂助胃膏 治胃寒吐瀉乳食不化

人參 白朮炒 白茯苓各五錢 甘草炙 丁香各一錢

砂仁四十粒下 白豆蔻十四粒寬胃 肉豆蔻四箇煨溫

胃中寒 氣消食 中補脾下氣運化非比 香附陳皮之駛泄也 乾山藥一兩

右為末煉蜜丸芡實大每服二三丸米飲磨化

肥兒丸 治食積五疳癭項結核髮稀成穗發熱作渴

等症

黃連炒 神翹炒 木香各一兩 檳榔二十箇 肉豆蔻

二兩 史君子酒浸 麥芽炒各四兩

右為末麩糊丸如麻子大每服三五丸米飲下良久用五味異功散一服以助胃氣

九味蘆薈丸 治肝脾疳積體瘦熱渴大便不利或癩

癰結核耳內生瘡等症

蘆薈 胡黃連 黃連 木香 蕪荑炒

牙皮 白雷丸 鶴虱草各一兩 麝香三錢

右為末蒸餅糊丸如麻子大每服一二錢空心白湯下

木香丸 治冷疳

木香 青黛 柝櫛 肉豆蔻 麝香各一錢半

續隨子一兩 蝦蟆三箇 燒去油存性

右為末蜜丸如菉豆大每服三五丸煎薄荷湯下

胡黃連丸 治熱疳

胡黃連 黃連各五錢 硃砂二錢 另研

右為末填入猪胆內以線扎懸掛銚中淡漿水煮數沸取出研入蘆薈麝香各二錢飯和丸如麻子大每服一二十九米飲下

如聖丸 治冷熱疳瀉

史君子取肉一兩 胡黃連 川黃連 白蕪荑炒各二兩五錢

麝香五分另研 乾蝦蟆五箇酒煮杵膏

右為末以蝦蟆膏杵丸麻子大每服一二十九煎入參

湯下

蘭香散 治鼻疳赤爛

蘭香葉二錢燒灰 銅青 輕粉各五分 為末乾貼

白粉散 治諸疳瘡

無稜蝟三分 白芨二分 輕粉一分

右為末先用漿水洗拭乾貼

蟾蜍丸 治無辜疳症一服虛熱退二服煩渴止三服

瀉痢愈

蟾蜍一枚夏月溝渠中取腹大不跳不鳴身多癩者

右取糞蛆一杓置桶中以尿浸之却將蟾蜍跌死投與
蛆食一晝夜用布袋盛蛆置急流中一宿取出丸上焙
乾為末入麝香一字粳米飯丸麻子大每服二三十九
米飲下其效如神

蕪荑散 治虫動口內流涎

蕪荑丸治小兒

白蕪荑

乾漆炒各等分

右為末每服五六分米飲下

安虫散

治虫動心痛

胡粉炒黃

檳榔

川棘子

鶴虱各三錢

枯白礬二錢

五分

右為末每服五六分痛時米飲調下

白玉散

治丹瘤

白土二錢五分

寒水石五錢

為末用米醋或新水調塗

柳華散

治熱毒口瘡

黃柏炒

蒲黃

青黛

人中白服各等分

為末敷

仙方活命飲

治一切瘡毒未成肉消已成即潰此消

毒排膿止痛之聖藥也若膿出而腫痛不止者元氣虛也當補之

穿山甲

白芷

防風

沒藥

甘草

赤芍藥

歸尾

乳香

花粉

貝母各一錢

金銀花

陳皮各三錢

皂角刺二錢

右每服二三錢酒水各半煎

消積丸

治食積大便酸臭發熱

丁香九粒 縮砂十二粒 巴豆二粒去皮心膜 烏梅肉三箇

右為末麪糊丸黍米大每服五七丸溫水下

保和丸 治食積

山查二兩 神麪二兩 半夏 茯苓各一兩 陳皮 連

翹 蘿蔔子各五錢

右為末粥糊丸如桐子大每服一二十丸白湯下

四神丸 治脾腎稟虛泄瀉不食或乳母患此致兒為

患

肉豆蔻二兩 補骨脂四兩 五味子二兩 吳茱萸一兩

右為末用水二碗生薑八兩紅棗一百枚煮熟用棗肉

和末丸如麻子大每服二三十九空心食前白湯下子

毋並服

五苓散 治霍亂吐瀉燥渴飲水小便不利

澤瀉五錢 猪苓 官桂 赤茯苓 白朮各三錢

右為末每服一二錢白湯調下

白虎湯 治傷暑煩燥身熱痰盛頭痛口燥大渴

知母一兩五錢 石膏四兩 白粳米八錢 甘草炙五錢

右為末每服一二錢水煎

地黃清肺飲

治肺癆咳嗽痰唾稠粘

阿膠一錢 鼠粘子二分 馬兜鈴 甘草各五分 杏仁七枚

去皮 糯米十粒

右每服一錢水煎此方以脫地黃一味否

參蘘飲 治感冒風寒或腹脹少食泄瀉嘔吐或手足

並冷喘促痰涎

人參 紫蘘 陳皮 半夏 茯苓 枳

殼炒 桔梗炒 前胡 乾葛 甘草炒各五分 木香

三分 為末每服一二錢水煎

小柴胡湯

治傷寒溫熱患身熱惡風頭痛項強四肢

煩疼寒熱往來嘔吐痰實及治中暑病瘧

柴胡入錢 半夏湯泡 黃芩 人參各三錢 甘草炙二錢

右每服一二錢薑棗水煎

加味道遙散

治乳母肝脾氣血虛弱發熱致兒為患

當歸 白朮 茯苓 芍藥炒黃各一錢 柴胡

牡丹皮 山梔炒 甘草炒各五分 水煎服

龍胆瀉肝湯

治肝經濕熱或囊癰便毒小便澀滯

龍胆草酒炒五分 車前子炒 木通 歸尾 澤瀉

甘草

黃芩

生地

山梔

各三分水煎服

茵陳湯

治身熱鼻乾汗出二便赤澀濕熱發黃

茵陳

六錢

梔子

二箇

大黃

一錢

每服一錢水煎

黃連香薷飲

香薷

四兩

厚朴

二兩

黃連

右每服一二錢將朴連同生薑炒令紫色入香薷水酒

各一盞煎冷服

金匱加減腎氣丸

治脾腎虛腰重脚輕小便不利或

吐腹腫脹四肢浮腫喘急痰盛已成蠱者此症多因脾

胃虛弱治失其宜元氣復傷而變者非此藥不救

白茯苓

三兩

附子

泡五錢

川牛膝

肉桂

澤瀉

車前子

山萸肉

山藥

牡丹皮

各一兩

熟

地黃

四兩搗碎酒拌杵膏

右為末和地黃膏加煉蜜杵丸如桐子大每服一二十

丸空心米湯下

五色丸

治五癩

硃砂

真珠

各五錢

水銀

雄黃

各一錢

黑鉛

三兩同

水銀結

砂成

右為末煉蜜丸麻子大每服三四丸煎銀花薄荷湯下

斷癩丹 治癩差後變症不止

黃芪蜜炙 鈎藤鈎 細辛 甘草炙各五錢 蛇退三寸酒炙

蟬蛻去土四箇 牛黃一字另研

右為末煮棗肉為丸麻子大每服五七丸人參煎湯下

漏銀丸 治風涎膈熱及乳食不消腹脹喘促

巴豆 水銀各五錢 京墨八錢火燒醋淬研 黑鉛二錢牛水銀煎 麝香

五分另研

右為末陳米粥丸如菉豆大每服二三丸煎薄荷湯下

利驚丸 治急驚

天竺黃二錢 輕粉 青黛名一錢 黑牽牛炒五錢

右為末蜜丸豌豆大每歲服一丸薄荷湯化下

小續命湯 治中風不省人事涎鳴失音肢體反張或

時厥冷

麻黃去節 人參 黃芩 芍藥 芎藭 甘

草剉 杏仁去皮尖研 漢防己 官桂各五錢 防風七錢五分附

子泡去皮臍二錢

右各另為末和勻每服一錢薑棗水煎有熱減桂附

鈎藤鈎飲

治吐利脾胃虧損虛風慢驚

鈎藤鈎

三分

蟬蛻

防風

人參

麻黃

白僵蠶

炒

天麻

蠟尾

去毒炒各五錢

甘草

炙

芎藭

錢五分

麝香

另研

為末每服一二錢水煎

大青膏

治傷風吐瀉身溫氣熱驚搐

天麻

青黛

白附子

乾蝎

去毒

烏梢蛇

酒

煨硃砂

天竺黃

一錢

麝香

二分

右為末生蜜和膏每服一豆粒許月中兒用半粒薄荷

湯化下

百祥丸

治痘瘡黑陷及嗽而吐青綠水

紅牙大戟

陰乾漿水煮軟去骨復入原汁中煮

右焙乾為末水丸粟米大每服十九丸赤芝麻湯送下

牛李子膏

治痘瘡黑陷

牛李子一味杵汁石器內熬膏每服皂子大煎杏膠湯

化下

雄黃散

治痘後牙齦生疳蝕瘡

雄黃

一錢

銅綠

二錢

同研細量瘡大小乾糝其上

歸脾湯

治乳母脾經氣鬱致兒為患

人參 白朮 茯神 黃芪 龍眼肉 各二錢

遠志 一錢 酸棗仁 木香 甘草 炙三分

右薑棗水煎服加柴胡山梔各加味歸脾湯

越鞠丸 治乳母六鬱傳兒為患或胸滿吐酸齒痛瘡

疥等症

蒼朮 神麴 炒 香附子 山查 山梔 炒

芎藭 麥芽 炒各等分

右為末水調神麴糊丸桐子大每服二三十丸白滾湯

下子母並服

安神丸 治邪熱驚啼心肝壯熱面黃頰赤

麥門冬 焙去心 牙硝 白茯苓 乾山藥 寒水

石 甘草 各五錢 硃砂 一兩 龍腦 二分

右為末煉蜜丸芡實大每服半丸砂糖水化下

花火膏 治夜啼

燈花一顆塗乳上令兒吮之

蟬蛻鈎藤散 治肚疼驚啼

鈎藤 天麻 茯苓 芎藭 白芍藥 各二錢

甘草 蟬蛻 各一錢 每服一錢燈心湯下

羚羊角丸

治行遲

羚羊角鎊

虎胫骨醋炙

生地黄焙

酸棗仁

白

茯苓各五錢

肉桂

防風

當歸

黃芪各二錢五分

右為末煉蜜丸每服一皂子大白湯化下

止汗散

治睡而自汗

故蒲扇一把燒存性研為末每服三錢溫酒調下

當歸六黃湯

治血虛不足虛火內動盜汗不止

當歸

熟地黄

黃芪炒

黃柏以下俱炒黑

黃芩

黃連

生地黄各等分

每服二錢水煎服

參湯

治心血虛熱自汗盜汗

人參

當歸各等分

右用豬心一片每服三錢水煎服

參附湯

治稟賦不足上氣喘急自汗盜汗或病久陽

氣脫陷急宜服之

人參

五錢

附子

泡一兩

每服一錢薑水煎

人參養榮湯

治脾肺俱虛發熱惡寒肢體瘦倦食少

作瀉或久病虛損口乾食少欬而下痢驚熱自汗

白芍藥

一錢五分

人參

陳皮

黃芪

蜜炙

桂心

當歸

白朮炒

甘草炙各一錢 熟地黄

五味子炒

各七分 遠志五分

每服二三錢薑棗水煎

浴體法

治胎肥胎熱胎怯

烏蛇肉

酒浸焙

白礬

青黛各三錢

天麻

二錢

蝎尾

去毒

硃砂

各五分

麝香

二分

右為末桃枝一握水煎浴之勿浴背

神效當歸膏

治跌撲湯火等瘡不問已潰未潰

當歸

黃蠟

生地黄

各一兩

麻油

六兩

右先將當歸地黄入油煎黑去渣入蠟熔化候冷攪勻

即成膏矣

以上皆直訣所載之方以下諸方皆取別本附入者

保命散秘方

治一切急驚慢驚痰涎湧塞手足抽搐目直

神昏夜啼晝倦吐乳瀉白種種惡症

珍珠

牛黃各三分

琥珀

五分

胆星

白附子

蟬蛻炙

天虫

茯苓

皂角

防風

茯

神錢

天竺黃研

橘紅

甘草

薄荷

硃

砂

各一錢

天麻

三錢

全蝎

十箇酒洗焙

礞石

三錢煨

冰片

麝

香各三分

右為末和勻每服一二分或用神翹糊丸麻子大每服

一二九量兒大小加減鈎藤一錢薄荷三分泡湯下
凡小兒有病即宜少與乳食若似驚風即宜斷乳如欲
食與米飲一勻必欲食乳須先將乳擠空然後以空乳
令吮否則乳下喉中即成頑痰雖神丹無效俟少安漸
與乳可也

治疳積方

不落水雞肝酒洗同黃蠟一錢頓熟去蠟吃

治赤痞方

寒水石 黃柏 黃連 大黃 鉛粉

柏礬 白墻粉 冰片 青黛
右藥隨舉幾味研麻油調塗

治痘出眼中方

取田雞胆點之愈

治癩方

不拘頭面遍身痛癢黃水出俱效

黃連 一兩 蛇床子 五錢 五倍子 一兩 輕粉 三錢 黃柏 五錢
枯礬 五錢 川椒 二錢 冰片 一錢 同研麻油調塗

治骨蒸方

銀柴胡 八分 鮮骨皮 一錢 直青蒿 八分 川連 五分 犀角

五分 丹皮 五分 甘草 三分 元參 一錢 竹葉 二十片 蘆根 一兩 水煎服

治遺尿方 切切 新書

雞胫脰 一具 桑螵蛸 三枚 甘草 三分 黃芪 各 錢 煨為粗末 每用一錢水一盞煎去渣服

治牙疳方

人中白 一錢 枯礬 三分 紅褐子 一錢 燒存性 雞肫皮 二錢 煨 梅 八分 雄黃 五分 硼砂 五分 銅青 三分 右為末煎臘茶調擦吐出涎

治吐乳方 切切 新書

蓮子心 七枚 丁香 三粒 人參 三分

右同研乳汁浸令兒吮食

治螳螂子方 卽妬乳也

青黛 一錢 元明粉 三錢 硼砂 一錢 薄荷 五分 冰片 一分

右同研細擦口內兩頤吐出涎一日用四五次

自古無螳螂子之病凡小兒變蒸之候每有口內微腫惡乳之時名曰妬乳不治自愈其或不能坐視則用此方塗口亦易愈近日海濱妖婦造割螳螂子之法以騙

人取利強者幸愈弱者俱死惟松江蘓州最受其害蓋
小兒兩頤內外皮有兩層中空處有脂膜一塊人人皆
然割去復生妖婦以此惑人人見果有如螳螂子者遂
相信不疑死而不悔深可憐憫除蘓松之外天下並無
有生螳螂子而死者斷不可爲其所愚而受害也

損 小兒股內無力因跌而起一足不伸臂左右大小
不同腰脊歪斜脊骨高起俱屬不治或久而成毒亦爲
廢人

